

*Nauarorum Reges.*  
*Margaretha Valesia Nauarorū Regina*  
*Henrici II. uxor.*



*Reges Austriae.*

*Theodobertus Rex Austriae.*

*Gidbertus Rex Austriae.*



*Reges Cypri*

*Perinus Rex Cypri*

*Iacobus Rex Cypri ultimus*



IX. Hiero-

## IX. Hierographia simplex.

59

**M**argaretha Valesia oratio ad Regem Navarra, verbis subcincta, re-  
gravis & proluxa est. Me ambiens, non securus es, inferiorē genere, ne  
quid gravius addam, sed Regibus Gallia satam & genere conjunctam. Ab-  
rumpo orationē, ne oratio, exprobratio sit; aut muliebris cavillatio. Marito  
viduata & dictum servavit, & confirmavit facto. Caltham enim auro puro  
inculpfit: & in duram putamq; materiam, amoris sui constantiam incidit.  
Nam ut Solem aureum, flos aureus sequitur: eoq; oriente oritur: occidente  
occidit; ita se occidisse cum marito, præ se fert: nec lutem aliam exspectare,  
quàm qua maritus è tenebris resurget. Hic autem est Iesus Christus vita  
mortuorum, lux vivorum, salvus Beatorum, spes ærumnosorum. Hæc nos  
Regina docet, quantò potentior fortuna, (quæ nos cum beat, dementat) tan-  
tò imbecillior sexu, & lascivimus, O nos miseros! Me miserum!

## X. Hierographia simplex.

Lilium & Bellis, à Dioscoride illud, hæc à Plinio describitur. Mysta Li-  
lium florem regium asserunt, proceritate adducti, sed & colorem. Nam si ru-  
bet, Regem decet: si albet Reginam. Reges Gallia usurpant in Triade, non  
absque singulari mysterio. Hic ex uno lilio, gemina Margaritha ascendunt;  
alludit enim Mysta ad totidem Reginas, eodem nomine, ut virtute insignes.  
Herbaria enim Margaritha, Bellis vocatur latinè & bellius flos: Græcè  
βαλλίς, quasi βιάλλίς: quod algore hyberno invictus, quasi vi redivivus in au-  
ras irumpat. Quid Margaritha herbaria; cum Reginis Margarithis com-  
mune? Hoc commune, imò proprium & peculiare: quod ut illa fert, imò  
vincit, hyemis vim; ita hæc superant, potestatis licentiam: & imbecillitatem  
sexus.



# I. HIEROGRAPHIA SIMPLEX REGVM AVSTRIÆ.

**I**n Ægypto certamen ortum fuisse Herodotus narrat, de  
potentia Deorum. Vulcano palmam magna pars tribuit:  
quod ignis late populetur & vastet omnia. Huic illudit, & o-  
pinionem sectæ extrahit; qui congressus cum igne, in formi  
statua: sed ventre projecto, atq; fistulato (Cera. n. qua erant  
foramina obstructa diffluente, vi caloris) ignis, aqua, qua  
venter testaceus tumebat, suppressus ac quasi suffocatus est. Minori compen-  
dio Rex, ut Regum edicta & dicta vehementiora sunt, ostendit, facibus in a-  
quam coniectis, elementorū, non Deorum (Christianus. n. est) Aquam esse  
potentissimam. Et de Elementis quaestio à Poëtis mōta à Pindaro inter cæte-  
ros, à Philosophis excepta & subacta est. Quid ambages quaero? & nō re-  
pondeo, ad Regis propositū? Omnia vincit Aqua, vincat, quid tū postea? Calore

M 3 cor

cor tumet: frigore subsidit. Non est aqua, mihi credite, quæ judicio Regis vincit omnia: quid enim ad Regem elementa? quorum natura & investigatio, ad homines ociosos pertinet; sed patientia, quam lentæ aquæ frigus aqua clariùs haurit: aut quid rerum & hominum victrix? Sapientia hercè non est: ubi non est patientia. Hujusmodi Reges cùm habemus; quid parentes desideramus? aut Magistros quærimus? Benè olim dicti sunt Magistratus, qui Remp. tenebant, Regebant enim & mores.

### *II. Hierographia simplex.*

Leo manibus hastam tenens, ferienti similis & iracundo, Væ illi, inquit, quem feriam. Nondum ramentum jaculatur; & dum hastam mordet, iram refrenat. Quæ hæc imago? cujus sententia? Gidelberti Regis Austriae sententia: & animi ejusdem Leonini imago, digna Rege. Irasci enim peccatis Regem decet: sed tardè succedere ad vindictam, & generositatis suæ non oblivisci: cùm recordatur imbecillitatis aliorum.



## I. HIEROGRAPHIA REGVM CYPRI, SIMPLEX.



Quila ad rapinam: Lepus ad prædam videtur nasci. Et hunc venatur illa, à ventre stimulata quoties autem capit, despuit, non pari hoste congressa. Hoc autem à magnanimitate proficiscitur. Et Regem fortasse puduit, quos non conjicio, imbelles hostes bello subegisse.

### *II. Hierographia simplex.*

Pyxis Hesiodiana exhalavit omnia: nec quidquam reliqui fecit miseris Mortalibus præter spem, quem licet sæpe fallat, semper nos comitatur: & non discedit, quàm ubi conclamatum est, quod quando fiat Aristoteles alibi docet. Hæc Jacobum Regum Cypri ultimum lactavit diu vana. Et ipse nec spei vanitatis, nec conditionis humanæ imprudens, arbore sterili & arescente, animi sui sententiam, quasi bilem evomuit. Nam quod gaudium, cujus radix, spes est? incerta: fallax & illudens sæpiùs nobis: quàm nobiscum colludens. Miseri mortales. Nam cùm speramus; timeamus simul, necesse est. Animo igitur non constamus, sed jactamur, & licet speremus magis secunda, quàm metuamus adversa, (quod non est prudentis) animus vacillat, & spe pendemus, ut spe frustrati, majori ludibrio simus inimicis.

Reges